

Sastanci Predsjedništva održavani su najmanje jedanput mjesečno.

Jedan od najvažnijih zadataka koji je pred sebe postavila podružnica jeste, rad na okupljanju novih članova i nastojanje da svi budu pretplatnici na Geodetski list i Godišnjak. Na tom polju već su do sada postignuti odlični rezultati.

MOSTAR - U radu mostarske Podružnice bilo je i nedostataka ali obzirom na mali broj članstva bilo je i vrijednih rezultata. Podružnica nema materijalnih sredstava, pa radi toga nije ni pokretala akcije koje su iziskivale novčana plaćanja. Članarina je slabo prikupljana i nije se mnogo učinilo na omasovljavanju.

Najveća organizovana akcija jeste uticaj da se izvrši premjer Mostara. Postoji interesovanje za stručnu literaturu i štampu kao i za stručna predavanja. Kod mlađjih kolega vlada veliko interesovanje za polaganje "državnog ispita", pa je Podružnica spremna da kolegama pomogne. Sve informacije o geodetskoj aktivnosti u glavnom dobivaju preko Glasnika i smatraju da bi trebala da bude bolja povezanost između Podružnice i Saveza.

TUZLA i BANJA LUKA - iz ovih podružnica predsjednici nisu došli na sastanak Saveza, pa nemamo izvještaja o njihovom radu.

ZENICA - obećani pismeni izvještaj nismo dobili.

NOVE KNJIGE

Prof.dr. F.Braum: "Objektivno optičko redresiranje". Ovo je drugi dio fotogrametrijskih skripata, na 189 stranica sa 58 slika. Skripta se mogu nabaviti u Dekanatu geodetskog fakulteta u Zagrebu, Kačićeva 26. Cijena 13 dinara.

Prof.inž.Čedomir Cvetković: "Primjena geodezije u inženjerstvu". Izdavačko preduzeće Gradjevinska knjiga, Beograd, 1970. godine. Cijena 107,00 dinara. Knjiga sadrži tri dijela: Horizontalno obilježavanje. Visinsko obilježavanje i planiranje terena. Primjena u inženjerstvu.

Nikola M.Dimitrijević: Geodezija II, prvi dio. Naučna knjiga, Beograd. 1970.godine. Cijena 40,00 dinara.